

集義軒詠史詩鈔校證

第二冊


(清)

趙望秦等 校證
羅惇衍 著

陝西出版傳媒集團
三秦出版社

國家社會科學基金項目階段性研究成果
陝西師範大學
基金資助

陝西出版傳媒集團
三秦出版社



趙望秦 孫亞男 劉璐 王璐 趙金丹 張海燕 校證

(清) 羅惇衍 著

集義軒詠史詩鈔校證

第二冊

(卷十二—卷三十)

中國古代詠史懷古詩係列研究之七

國家社會科學基金項目階段性研究成果
陝西師範大學
基金資助

陝西出版傳媒集團
三秦出版社



趙望秦 孫亞男 劉璐 王璐 趙金丹 張海燕 校證

(清) 羅惇衍 著

集義軒詠史詩鈔校證

第二冊

(卷十二—卷三十)

中國古代詠史懷古詩係列研究之七

集義軒詠史詩鈔目錄 卷十二

西漢八

梅福

師丹

何武

彭宣

孫寶

鮑宣

龔勝

揚雄

翟義

逢萌

云敞

嚴遵

公孫祿

東漢一

齊武王縯

卓茂

譙元(玄)

任文公

李業

來歙

鄧禹

侯霸

伏湛

岑彭

寇恂

祭遵

班嗣

班彪

溫序

集義軒詠史詩鈔 卷十二 七言律二十八首

西漢八

梅 福

字子真，九江壽春人。為南昌尉，王莽專政，棄妻子去，不知所終。或云變姓名，以隱於吳中。

富春山色鬱蒼蒼，前指吳門路渺茫。兩漢清名屬翁壻，千言封事撼權彊。神仙歸隱妻孥遠，廝卒潛身姓字藏。莫駭乘輅譏刺遽，士風頽後憶堅剛。

富春

福壻嚴子陵，釣於富春山下。

吳門

福居家，以讀書養性為事。其後，人有見福於會稽者，變姓

名，為吳市門卒云。

封事

福明《尚書》、《穀梁春秋》，為郡文學，嘗補南昌尉。

後去官歸壽春，數因縣道

上言變事，求假輅傳，詣行在所條對急政，輒報罷。王鳳專勢擅朝，京兆尹王章素忠直，譏刺鳳，被誅。王氏浸盛，災異數見，羣下莫敢正言。福復上書，力攻鳳，以明章冤。神仙 元始中，王莽專政，福一朝棄妻子，去九江，至今傳以為仙。士風 其後頽莽功德者有數十萬人，士風敗壞極矣。

【今案】注文略見今本《漢書》卷六七《梅福傳》。

師丹

字仲公，瑯琊東武人。元帝末，為博士。成帝時，歷官少府、光祿勳、侍中，晉太子太傅。哀帝即位，封高樂侯，官大司空，以議禮策免。平帝立，徵詣公車，封義陽侯，月餘卒，諡曰『節』。

為人後者為之子，儀禮斯言萬古包。廟立共皇名恐紊，書陳嗣主議難淆。祇緣丁傅希私寵，遂使褒猶締利交。宋代濮園明獻邸，同滋諂佞辯譎譎。

共皇 郎中令泠褒、黃門郎段猶等復奏言：『定陶共皇太后、共皇后皆不宜復引定陶藩國之名以冠大號，車馬衣服宜皆稱皇之意，置吏二千石以下各供厥職，又宜為共皇立廟京師。』上復下其議，有司皆以為宜如褒、猶言。丹議獨以為禮為人後者為之子，不宜立廟京師。丁傅 丹使吏書奏，吏私寫其草，丁、傅弟子聞之，使人上書告丹上封事行道人徧持其書。上以問將軍中朝臣，皆對曰：『忠臣不顯諫，大臣奏事不宜漏泄，令吏民傳寫流聞四方。』臣不密則失身，宜下廷尉治。』事下廷尉，廷尉劾丹大不敬，遂策免。

【今案】注文略見今本《漢書》卷八六《師丹傳》。

何武

字君公，蜀郡郫縣人。成帝時，官至大司空，封汜鄉侯。為王莽所陷，自殺。莽諡曰

『刺侯』。

終思一黃障江河，傑士駢誅志不磨。呂霍三家危可鑑，龔唐兩輩禮為羅。楚兩龔，沛兩唐人能正直休才較，國有權奸肯意阿。小戴明經翻誤毀，造門慙服性寬和。

一黃 『何武之舉，王嘉之爭，師丹之議，區區以一黃障江河，用沒其身。』本《班史》語。駢誅 莽

為宰衡，陰誅不附己者，郡國豪桀坐死者數百人。武在見誣中，大理正檻車徵武，武自殺。呂霍 先是，武

為前將軍，素與左將軍公孫祿相善，二人獨謀，以為往時惠、昭少主之世，外戚呂、霍、上官持權，幾危社稷，今成、哀比世無嗣，方當選立親近輔幼主，不宜令異姓大臣持權。龔唐 武為人仁厚，好進士，獎稱人之善。

在楚厚龔勝、龔舍，沛厚唐遵、唐林，及為公卿，薦之朝廷。此人顯於世者，何侯力也，世人以此多焉。正

直 武功名略比薛宣，其材不及也，而經術正直過之。權奸 時有詔舉太常，莽私從武求舉，武不敢舉。

後數月，哀帝崩，詔舉大司馬。「王莽」太后近親，自大司徒孔光以下舉朝皆舉莽，武舉公孫祿，公孫祿亦舉

武。小戴 初，九江太守戴聖，《禮經》號小「戴」者也，行治多不法。武嘗行部錄囚徒，有所舉以屬郡。聖

曰：『後進生何知！』皆無所決。武使從事廉得其罪，聖懼，自免，後為博士，毀武於朝廷。武聞之，終不揚

其惡。而聖子賓客為羣盜，得，繫廬江，聖自以子必死。武平心決之，卒得不死。聖遂慙服。武每奏事至京師，

聖未嘗不造門謝恩。

【今案】注文略見今本《漢書》卷八六《何武傳》。

彭宣

字子佩，淮陽陽夏人。成帝時，歷官大司農、右將軍。哀帝時，徙左將軍，以關內侯罷歸，復官光祿大夫、大司空，封長平侯。平帝立，以病歸。卒，諡曰『頃』。

南郡笙簫唱未終，幾曾轉盼講帷中。端嚴自勵先盧植，法度能持愧戴崇。廷尉明經人望著，將軍綰綬帝恩隆。權移鼎鼐羞同列，求退尤堪表素風。

盧植 用馬融前授生徒，後列女樂事。

法度 張禹成就弟子尤著者宣及戴崇。宣恭儉有法度，而崇愷悌

多智，禹心親愛崇，敬宣而疏之。崇每候禹，得至後堂宴樂。而宣來，講論經義，未嘗得至後堂。及兩人皆聞知，各自得也。廷尉宣以明經有威重，可任政事，由博士人為右扶風，遷廷尉。將軍哀帝即位，由右將軍徙為左將軍。同列王莽秉政專權，宣託老病避位。莽白太后，策免之。居國數年乃卒。

【今案】注文略見今本《漢書》卷七一《彭宣傳》、今本《後漢書》卷六〇上《馬融列傳》。

孫寶

字子嚴，鄆陵人。成帝時，官京兆尹。哀帝時，官司隸，皆坐免。平帝初，起大司農，王莽奏罷之。卒，年七十餘。

黃龍江上侈言祥，義偉詞嚴折廟堂。閱歲依然挺松柏，當朝乃復臥豺狼。同心

謀沮僉人熾，大節聲流後裔長。來學授經談曩事，漫云身詘亦何傷。

黃龍 越嶺郡上黃龍游江中，太師孔光、大司徒馬宮等咸稱莽功德比周公，宜告祠宗廟。寶曰：「周公上聖，召公大賢，猶不相說，著於經典，兩不相損。今風雨未時，百姓不足，每有一事，羣臣同聲，得無非其美者。」大臣皆失色。松柏 宋儒黃震曰：「孫寶能吏，大節不撓。當孔光等誣誦賊莽功德時，從容折難，可謂

歲寒之松柏。」豺狼 先是，寶為廣漢太守，欲除姦惡，訪於侯文。文曰：「霸陵杜穉季。」寶曰：「其次？」文曰：「豺狼橫道，不宜復問狐狸。」後裔 建武中，錄舊德臣，以寶孫伉為諸長。師古曰：「諸瑯琊之縣也。」來學 初，以明經為郡吏。御史大夫張忠辟寶為屬，欲令授子經，更為除舍。寶自劾去。後署寶主簿，寶徙入舍，祭竈請比鄰。忠陰察，怪之，使所親問寶：「前為君設除大舍，子自劾去者，欲為高節也。今兩府高士俗不為主簿，子既為之，徙舍甚說，何前後不相副也？」寶曰：「前日君男欲學文，而移寶自近。禮有來學，義無往教；道不可詘，身詘何傷？」忠大慙。

【今案】注文略見今本《漢書》卷七七《孫寶傳》。

鮑宣

字子都，渤海高城人。哀帝時，歷官司隸，以劾丞相孔光被刑，徙上黨。後為王莽所害。

舉幡太學會千人，天鑑丹忱赦直臣。槐市上書刑減死，蔬畦提甕志安貧。七亡鯁論思扶漢，百折忠懷不附新。我羨鮑家驄最好，又官司隸步前塵。

舉幡 宣因鉤止孔光掾史，下廷尉獄。博士弟子王咸舉幡太學，曰：「欲救鮑司隸者會此。」諸生會者千餘人，遮丞相光自言，丞相車不得行，又守闕上書。上遂抵宣罪減死一等，髡鉗。提甕 宣妻桓少君提甕出汲。見《范史·列女傳》。鯁論 始，徵為諫大夫。宣每居位，常上書諫爭，其言少文多實。丁、傅子弟並進，董賢貴幸，宣以諫大夫舉七死七亡切諫，末言「不勝惓惓，盡死節而已。」哀帝以宣名儒，優容之。忠懷 王莽秉政，陰有篡國之心，乃風州郡以皐法案誅諸豪傑，及漢忠直臣不附己者，宣及何武等皆死。司隸 宣子永，《范史》有傳。

【今案】注文略見今本《漢書》卷七十二《鮑宣傳》、今本《後漢書》卷八四《列女傳》。

龔 勝

字君賓，楚人。哀帝時，歷官光祿大夫。王莽徵為上卿，不食，卒，年七十九。

廉里風清肅庶僚，芳蘭名在未膏銷。焉知漢臘更新臘，但憤黃貂換黑貂。二姓一身泉下恥，五威三老縣中招。如何君倩龔舍字先君死，不共西山兩節標。

芳蘭 《太平御覽》引《蘇子》曰：「蘭以芳自燒，膏以（明）「肥」自炳，翠以羽殃身，蚌以珠致破。」蘇秦能為此言，而不能保其身，《漢書》楚父老之言本於此。膏銷 勝殉節後，門人衰經治喪者百數。有老父來弔，哭甚哀，既而曰：「嗟虐！薰以香自燒，膏以明自銷。龔生竟天天年，非吾徒也。」遂趨而出，莫知其誰。勝居彭城廉里，後世刻石表其里門。二姓 始，莽既篡，遣五威使者與郡太守、縣長吏、三老官屬、行

義諸生千人以上入勝里致詔。且促之，勝曰：『吾受漢家厚恩，亡以報，今年老矣，旦暮入地，誼豈以一身事二姓，下見故主哉？』因敕棺殮喪事，不食，十四日死。兩節 舍年六十八，王莽居攝中，病卒。

【今案】注文略見今本《漢書》卷七十二《龔勝傳》、今本《太平御覽》卷九八三。

揚雄

字子雲，蜀郡成都人。成帝時，以獻賦為郎，給事黃門。王莽篡位，為大夫。卒，年七十一。

傳世文多襲古人，苦搜奇字亦陳陳。摹成《客難》開《賓戲》，反得《離騷》頌《美新》。家有童烏華遽萎，門來子駿劉歆字草親詢。巨君王莽字事事師三代，僭擬如公好效顰。

奇字（侯芭）「劉棻」嘗從雄載酒問奇字。

賓戲 哀帝時，丁、傅、董賢用事，諸附離之者或起家至

二千石。時，雄方草《太元（玄）》，有以自守，泊如也。或嘲雄以元（玄）尚白，而雄解之，號曰《解嘲》，蓋

上繼東方朔《答客難》，而下啟班固《答賓戲》。

離騷 先是，西蜀有司馬相如，作賦甚宏麗溫雅，雄心壯

之，每作賦，常擬之以為式。又怪屈原文過相如，至不容，作《離騷》，自投江而死，悲其文，讀之未嘗不流涕也。以為君子得時則大行，不得時則龍蛇，遇不遇命也，何必湛身哉！迺作書，往往摭《離騷》而反之，自崑

山投諸江流弔屈原，名曰《反離騷》；又旁《離騷》作重一篇，名曰《廣騷》；又旁《惜誦》以下至《懷沙》

一卷，名曰《畔牢愁》。美新雄有《劇秦美新》一篇，以頌莽功德。童烏《揚子法言》曰：『華而不實者，其吾家之童烏乎？九齡而與我《元（玄）》文。』注云：『童烏，雄子。』子駿雄草《太元（玄）》，劉歆造門詢訪，其子棻亦從學奇字，因此遂至投閣。

【今案】注文略見今本《漢書》卷八七《揚雄傳》、今本《揚子法言》卷五。

翟義

字文仲，上蔡人，方進子。平帝時，為東郡太守。起兵討賊莽，不克而死。

身登宰輔起孤童，賢嗣承家勇略充。漫做周書稱大誥，欲延漢祚靖愚忠。檄移已悚奸邪魄，坑葬何傷義烈衷。白水真人嗟未起，詎宜成敗論英雄。

孤童 班固論曰：『丞相方進以孤童攜老母，羈旅入京師，身為儒宗，致位宰相，盛矣。』承家 義所居著名，有父風烈。大誥 義移檄郡國，言莽煇殺孝平皇帝，矯攝尊號，今共行天罰。郡國皆震，比至山陽，衆十餘萬。莽聞之，大懼，日抱孺子會羣臣而稱曰：『昔成王幼，周公攝政，管、蔡挾祿父以畔。自古大聖猶懼此，況臣莽之斗筭！』羣臣皆曰：『不遭此變，不章聖德。』莽於是依《周書》作《大誥》。坑葬 義既敗，莽誅及種嗣，至皆同坑，以棘五毒并葬之。

【今案】注文略見今本《漢書》卷八四《翟義傳》。

逢 萌

字子（慶）「康」，北海都昌人。初，為亭長。避莽亂浮海，客於遼東。光武初，隱居瑯琊勞山，累徵不赴，卒於家。

天下三綱將絕矣，市中一哭曰新乎。泥塗戴盎塵誰滌，風雨浮家浪不濡。擲楫亭邊離北海，掛冠門外去西都。千秋高節兼高識，應共桐江作釣徒。

三綱 時王莽殺其子宇，萌謂友人曰：「三綱絕矣！不去，禍將及人。」即解冠挂東都城門，歸，將家屬浮海，客於遼東。新乎 萌素明陰陽，知莽將敗，乃首戴瓦盎，哭於市曰：「新乎新乎！」因遂潛藏。擲楫 始，萌因家貧，給事縣為亭長。時尉行過亭，萌候迎拜謁，既而擲楫歎曰：「大丈夫安能為人役哉！」遂去，之長安，學通《春秋經》。高節 後光武以詔書徵萌，託以老耄，迷路東西，語使者云：「朝廷所以徵我者，以其有益於政也。今尚不知方面所在，安能濟時乎？」即便駕歸。連徵不起，以壽終。

【今案】注文略見今本《後漢書》卷八三《逢萌傳》。

云 敞

字幼孺，平陵人。平帝時，為博士，辟大司徒掾，轉中郎諫大夫。後以病免，卒於家。

生三如一繫綱常，高弟追隨几杖旁。執紼何能辭險阻，濯纓原不愧滄浪。魯丕

說守經傳受，樂布名齊氣慨慷。若使事師同事主，也應石隱避天狼。

高弟 敞師事同縣吳章。章當世名儒，教授尤盛。王莽既誅章，章弟子千餘人，莽以為惡人黨，皆當禁錮，不得仕宦。門人盡更名他師。敞時為大司徒掾，自劾吳章弟子，收抱章尸歸，棺斂葬之，京師稱焉。濯纓

『清則濯纓，何遠之有？』本史贊語。魯丕 丕，平陵人，章帝時以侍中，再為三老。嘗曰：『說經者傳先

師之言，非從己出。』見《後漢書·魯恭傳》。樂布 車騎將軍王舜高其志節，比之樂布，表奏以為掾，薦為

中郎諫大夫。莽篡位，王舜為太師，復薦敞可輔職。以病免。唐林言敞可典郡，擢為魯郡大尹。更始時，安車徵敞為御史大夫，復病免。

【今案】注文略見今本《漢書》卷六七《云敞傳》、今本《後漢書》卷二五《魯恭傳》。

嚴 遵

字君平，蜀郡人。西漢末，隱居不仕，年九十餘。

得錢卜肆便垂簾，陸海藏身行獨嚴。官官指歸參損益，諠諠忠孝作鍼砭。賢過鄭樸風聲遠，富笑羅沖日計纖。莫怪史官多忌諱，子陵名姓兩無嫌。

指歸 君平有《道德指歸》六卷。損益 君平嘗曰：『益我貨者損我神，生我名者殺我身。』故不仕也。

時人服之。忠孝 君平卜筮於成都市，以為：『賤業而可惠衆人。有邪惡非正之問，則依蓍龜為言利害。與人子言依於孝，與人弟言依於順，與人臣言依於忠，各因勢導之以善。』裁日閱數人，得百錢足自養，則閉肆下

簾而授《老子》。鄭樸 君平與谷口鄭子真皆不訕而終。子真名樸。見《三輔史錄》。又君平博覽亡不通，依老子、莊周之指，著書十萬餘言。揚雄少時從游學，已而仕，京師顯名。數為朝廷在位賢者稱君平德。及著書言當世士，稱嚴、鄭二人，以為「蜀嚴湛冥」焉。羅沖 蜀有富人羅冲者，問君平曰：「君何以不仕？」君平曰：「無以自發。」冲為君平具車馬衣糧。君平曰：「吾病耳，非不足也。我有餘而子不足，奈何以不足奉有餘？」冲曰：「吾有萬金，子無儋石。乃云有餘，不亦謬乎？」君平曰：「不然。吾前宿子家，人定而役未息，晝夜汲汲，未嘗有足。今我以卜為業，不下牀而錢自至，猶餘數百，塵埃厚寸，不知所用。此非我有餘而子不足邪？」冲大慙。見《高士傳》。

【今案】注文略見今本《漢書》卷七二《王貢兩龔鮑傳》及顏師古註、今本《高士傳》卷中。

公孫祿

史失其地。哀、平兩帝時，歷官左將軍，免。王莽篡位，十六年徵至，復罷之。

素稱直項震朝行，互舉輪忠氣奮揚。危挽頽波微易溺，強噓炎火黯無光。清宜葛屨偕雲隱，晚就蒲輪向日忙。一事調君應失笑，輕來枯冢獻神方。

直項 哀帝時，息夫躬奏言：「左將軍公孫祿、司隸鮑宣，外雖有直項之名，而內實騃不曉事。」互舉董賢既敗，太后詔舉大司馬，祿與何武恐外戚危國，不肯舉莽。太后竟自用莽為大司馬。莽風有司劾奏武、祿

互相稱舉，皆免。蒲輪 莽地皇二年，中外憤怨，遠近俱發。莽憂懼，不知所出。故左將軍公孫祿徵來與議，祿曰：「太史令宗宣典星歷（曆），候氣變。以凶為吉，亂天文，誤朝廷。太傅平化侯飾虛僞以媮名位，「賊夫人之子」。國師嘉信公顛倒五經，毀師法，令學士疑惑。明學男張邯、地理侯孫陽造井田，使民棄土業。穢和魯匡設六筮，以窮工商。說符侯崔發阿諛取容，令下情不上通。宜誅此數子以慰天下！」又言：「匈奴不可攻，當與和親。臣恐新室憂不在匈奴，而在封域之中也。」莽怒，使虎賁扶祿出，然頗采其言。 枯冢 『袁公路冢中枯骨』，本孔融語。

【今案】注文略見今本《漢書》卷四五《息夫躬傳》、卷九九《王莽傳》。

東漢一

齊武王縯

字伯升，光武長兄。更始拜為大司徒，封漢信侯。忌其威名，遂被害。帝即位，追諡為「齊武王」。

莫怪英雄不識幾，鴻門舉袂蹈危機。義戈方厲乘風起，寶璽同占指日歸。單袴騎牛餘奮迅，千弧射象震聲威。淒然毒螫傷蜂蠆，忍淚蕭王困寢幃。

舉袂 更始謀誅伯升，乃大會諸將，以成其計。更始取伯升寶劍視之，繡衣御史申屠建隨獻玉玦，更始竟